



"REGIONALNA DEPONIJIA MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: deponija@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-91/22
Zenica: 14.02.2022. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom, broj: 02-778/21 od 27.12.2021. godine u otvorenom postupku „Nabavka buldozera putem finansijskog lizinga“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

O D L U K U
o poništenju postupka
o izboru najpovoljnijeg ponuđača i dodjeli ugovora za
“Nabavku buldozera putem finansijskog lizinga”

Član 1.

Prihvata se zapisnik o ocjeni ponuda Komisije za javnu nabavku, broj: 02-90/22 od 14.02.2022. godine i poništava se postupak nabavke za dodjelu ugovora za “Nabavku buldozera putem finansijskog lizinga”.

Član 2.

Ova odluka objavit će se na web-stranici Ugovornog organa (www.rdm.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

O b r a z l o ž e n j e

Postupak javne nabavke **“Nabavka buldozera putem finansijskog lizinga”** za potrebe Ugovornog organa pokrenut je Odlukom o pokretanju postupka javne nabavke, broj: 02-777/21 od 27.12.2021. godine.

Procijenjena ukupna vrijednost javne nabavke bez PDV-a je 600.000,00 KM.

Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je “najniža cijena” prihvatljive ponude.

Dana, 28.12.2021. godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-1-1-303-3-15/21.

Osim toga, objavljeno je obavještenje u Službenom glasniku BiH broj 01/22 od 07.01.2022. godine.

Komisija za javnu nabavku imenovana je Odlukom direktora Ugovornog organa, broj: 02-778/21 od 27.12.2021. godine.

Dana, 14.02.2022. godine Komisija za javnu nabavku je dostavila Zapisnik o ocjeni ponuda, broj: 02-90/22 od 14.02.2022. godine u postupku javne nabavke "Nabavka buldozera putem finansijskog lizinga".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Iz Izvještaja (Zapisnika) o radu Komisije proizilazi sljedeće:

- u predviđenom roku nije pristigla niti jedna ponuda za obavljanje poslova, "Nabavka buldozera putem finansijskog lizinga",
- u skladu sa navedenim, Komisija je predložila direktoru Društva da u skladu sa članom 69. stav (2) tačka a) poništi postupak javne nabavke.

U postupku donošenja ove odluke, posebno su cijenjene činjenice da je Komisija pravilno i potpuno provela postupak javne nabavke u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 69. stav (2) tačka a) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.



Direktor

[Handwritten signature]
Adnan Šabani, Bsc. ecc.

Dostaviti:
1x a/a